

Andreas von Seekau den Kauf zweier Höfe, gelegen zu Sehendorf bei Knittelfeld, zweier Güter, einer Mühle und zweier Hofstätte dasebst

Antwort.
 Ich Item so hat der Gallnberger vnd der Richter zu Liechtbald meinen lewtt
 zwey pherd an alles Recht genömen vmb daz daz ich des Arbeitter Schu-
 ster pherdt zu Liechtbald in meinen weingartn gespants in einer Eysen-
 halt mechtleich gangn ist vnd grossn schadn getan hat als es in plottn
 gewesn ist do man den grassn schadn tun mag in weingartn da hab
 ich ir widerumb newn genömen da sind die liechtbalden zu mir ehomen
 ich schol in irew pherd wider tun da gab ich in zu antwort ich hiet chain
 anfangk gemacht also pattn sie mich vast da gab ich in zu antwort Ich
 wolt in die pherdt zu gelyphn nachparschaft willn wider gebn daz sey
 auch meinen lewtt irew pherdt wider schickttn daz habn sew tan vnd
 habn auch irew pherd widergebñ verstet man wol was man mit mir vnd
 meinen lewtt vbermuts getriebn hat wol hab ich geredt ich wurd daz
 wol verrö wissn ze suchn vnd des nach vil merr zu mercken wer ge-
 wesn Item darauff ist mein Niklasn Gallenberger vnd des Richter antwort als
 ver vnd wir in den sachn gehandt vnd erfarn habn Es hat sich pegebñ
 daz der arbeittr schuster zu seinen weingartn gerittn hat dapey der Zobls-
 perger auch einen weingartn hat da ist dem arbeittr sein pherd ledig
 vnd ist peym liechtb tag in des Zoblsperger weingartn chomen
 daz habn des Zoblsperger chnecht auf geangn darauff ist der arbeittr
 zu dem Zoblsperger gangn vnd hat in gepett daz er im sein pherdt hiet
 wider geantwart nach dew als es im chainen schadn nicht getan hab des
 hat er nicht welln tun sunder für den schadn geodert hat fünf margk
 phening die hat ihm der Arbeittr nicht welln gebn darauff hat der Arbeittr
 den Zoblsperger aber gepett Er scholt an ein peschaw schickh vnd was
 sich da erfund daz sein pherdt schadn hiet getan daz wolt er Im bezalln
 daz hat der Zoblsperger also getan vnd hat an die peschaw gesand vnd
 die selbign frume lewtt die an der peschaw gewesen sind die habn chainen
 schadn mugn erchennen anders wen einen iungn schussling an einer rebn
 der ist der Nider gelegn daz das pherdt velleicht mit dem schwanz ab-
 geslagñ hat vnd da die frume lewtt die an der peschaw gewesn sind die
 er dar gesand hat im zugesagt habñ sew mochtñ da chainen schadn
 pruefen als vmb den schussling darumb habn sew auch chainen schadn
 mugn scheczñ darauff hab ich meiner chnecht einen zu dem Zoblsperger
 geschickt Seydermaln im chain schad nicht beschehñ wer daz er dem
 arbeittr sein pherd wider gebn hiet des hat der Zoblsperger nicht gebn
 welln anders er hat im ein margk phening müssn gebn darauff es frum
 lewtt chawm erpett vnd pracht habñ Auch hat mich Hans Verg meines
 genadign herrn von Salczburg etc. vischer vor etlicher zeit anpracht wie
 im der Zoblsperger ein scheff vnd ein necz auf meines herrn von Salz-
 burg etc. vischwald genömen hat darauff hab ich zu dem Zoblsperger ge-